



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-187-4/22**
Datum: **18.05.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «KOMOCHEM» d.o.o. Visoko za donošenje Rješenja o vodnoj dozvoli za ispuštanje oborinskih onečišćenih i tehnoloških otpadnih voda u prirodni recipijent sa lokacije tvornice za proizvodnju građevinskih ljepila, fasadnih maltera i boja, izgrađene u naselju Donja Zimča, grad Visoko, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, «KOMOCHEM» d.o.o. Visoko daje se vodna dozvola za ispuštanje oborinskih onečišćenih i tehnoloških otpadnih voda u prirodni recipijent sa lokacije tvornice za proizvodnju građevinskih ljepila, fasadnih maltera i boja, izgrađene u naselju Donja Zimča, na zemljištu označenom kao k.č. broj 80/1, 80/3, 81/1, 82/1 i 85/2 K.O. Zimča, grad Visoko.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se otpadne vode nastale u postupku pranja i čišćenja opreme i radnih prostora, zajedno sa onečišćenim vodama sa uređenog platoa i manipulativnog prostora u krugu fabrike, nesmetano prikupljaju sistemom slivnika i kanalizacione mreže te odvede do objekta predviđenog za tretman tehnoloških otpadnih voda (separator ulja i masti sa taložnikom), a zatim ovako tretirane vode ispuštaju, preko okna za monitoring, u mjesnu kanalizaciju MZ Zimča. Krajnji recipijent je rijeka Bosna.
 - 2.3. Objekte čija je svrha odvođenje i prečišćavanje otpadnih voda (slivnici i rešetke, kanalizaciona mreža, taložnik sa separatorom masti i ulja) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.4. Skladištenje nafte i naftnih derivata vršiti u nadzemnom čeličnom rezervoaru zapremine 5 m³ sa tankvanom.
 - 2.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.6. Prečišćene oborinske onečišćene i tehnološke otpadne vode moraju ostati u maksimalno dopuštenim granicama definiranim članom 14. i članom 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Objekte čija je svrha odvođenje i prečišćavanje tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja

otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvršaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «KOMOCHEM» d.o.o. Visoko, dana 15.04.2022., podnijelo je zahtjev za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent sa lokacije tvornice za proizvodnju građevinskih ljepila, fasadnih maltera i boja, izgrađene u naselju Donja Zimča, na zemljištu označenom kao k.č. broj 80/1, 80/3, 81/1, 82/1 i 85/2 K.O. Zimča, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-21-001076 od 26.10.2021. izdatog od Općinskog suda u Zenici,
- Ovjerena kopija Uvjerenja o poreznoj registraciji od 08.01.2003. izdatog od Porezne uprave FBiH-Kantonalni ured Zenica,

- Dokaz o uplaćenoj upravnoj taksi,
- Kopija Rješenja o odobrenju za upotrebu (pomoćna zgrada u privredi) broj: 03/1-23-4-13/14 od 03.07.2014. izdatog od Službe za urbanizam, stambeno-komunalne poslove i katastar nekretnina Općine Visoko,
- Kopija Rješenja o odobrenju za upotrebu dograđenih proizvodnih objekata broj: 03/1-23-4-19/07 od 16.04.2007. izdatog od Službe za prostorno uređenje, imovinsko-pravne, geodetske, stambeno-komunalne poslove i zaštitu okoline Općine Visoko,
- Kopija Rješenja o okolinskoj dozvoli broj: 12-23-1286/16 od 01.11.2016. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-038-4/17 od 24.04.2017. izdatog od «Agencije za vodno područje rijeke Save» Sarajevo,
- Kopija Rješenja o vodnoj saglasnosti broj: UP-I/25-2-40-321-5/09 od 03.09.2009. izdatog od «Agencije za vodno područje rijeke Save» Sarajevo,
- Potvrda o priključku na vodovodnu i kanalizacionu mrežu Podružnice Donja Zimča, izdate dana 08.04.2022. od Uprave vodovoda i kanalizacije Donja Zimča,
- Kopija Ugovora o izvođenju radova na čišćenju separatora broj: 505/22-DS od 11.04.2022. zaključenog sa «DELTA PETROL» d.o.o. Kakanj,
- Kopija Radnog zapisnika o radovima na pranju i čišćenju separatora broj: 21-02/21 od 27.02.2021. izdatog od «DELTA PETROL» d.o.o. Kakanj,
- Kopija Izvještaja o monitoringu kvaliteta i kvantiteta otpadnih voda proizvodnog pogona „KEMOCHEM“ Visoko broj: 1148/21, juli 2021., urađenog od «Inspekt-RGH» d.o.o. Sarajevo,
- Kopija Izvještaja o obračunu broja ekvivalentnih stanovnika za januar 2022. godine sa kopijom uplatnice,
- Kopija Izvještaja o obračunu broja ekvivalentnih stanovnika za februar 2022. godine sa kopijom uplatnice,
- Kopija Izvještaja o obračunu broja ekvivalentnih stanovnika za mart 2022. godine sa kopijom uplatnice,
- Kopija Izvještaja o obračunu broja ekvivalentnih stanovnika za april 2022. godine sa kopijom uplatnice,
- Projekat izvedenog stanja vanjskih hidroinstalacija vodovoda i kanalizacije urađen od «ES-HYDROTECHNICS» d.o.o. Sarajevo, novembar 2012. (na uvid),
- Glavni projekat stambeno-poslovnog objekta Knjiga 3 broj: 01/G/06/14, urađen od «AMG» d.o.o. Visoko (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-187-3/22 od 28.04.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Tvornica za proizvodnju građevinskih ljepila, fasadnih maltera i fasadnih boja je izgrađena u naselju Donja Zimča, uz regionalni put Kakanj-Visoko, grad Visoko. Na lokaciji se nalaze: upravna zgrada, otvoreno i zatvoreno skladište sirovina, proizvodni pogon, pogon punjenja i etiketiranja, skladište gotovih proizvoda, uređene radne i manipulativne površine. Kapacitet proizvodnje je 1620 t/god gotovih proizvoda. Sirovine koje se koriste u procesu proizvodnje su veziva, mineralna punila, pigmenti, aditivi i voda.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-038-4/17 od 24.04.2017. godine.
- Tehnološke otpadne vode od pranja prostora i opreme, zajedno sa oborinskim vodama sa platoa, se prikupljaju sistemom slivnika i kanalizacione mreže i odvođe na tretman u separator masti i ulja sa taložnikom. Preliv iz separatora je, preko okna za monitoring, u mjesnu kanalizaciju MZ Zimča, sa krajnjim ispuštom u rijeku Bosnu.
- Snabdijevanje vodom za sanitarne i tehnološke potrebe je obezbijeđeno sa mjesne vodovodne mreže.
- U natkrivenom prostoru je smješten nadzemni rezervoar za gorivo zapremine 5 m³. Rezervoar je smješten u tankvanu.
- U pogonu proizvodnje praškastih materijala je ugrađen zatvoreni sistem otprašivanja sa filterom.

- Podnosilac zahtjeva izmiruje obaveze plaćanja posebne vodne naknade. Dostavljene su kopije obrazaca o obračunu EBS-a i kopije uplatnica za januar, februar, mart i april 2022. godine.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda proizvodnog pogona «KOMOCHEM» urađen od «INSPEKT-RGH» d.o.o. Sarajevo.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «KOMOCHEM» d.o.o. Visoko, ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-187-2/22 od 21.04.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju:
Rukovodilac sektora za izdavanje vodnih akata

 
Haris Anšehović, dipl.inž.građ.

Dostaviti:

- «KOMOCHEM» d.o.o.
Donja Zimča 68, 71300 Visoko
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava